



Broj:01/1-02-SL/18  
Ilijaš, 18.12.2018.godine

**STRUČNA SLUŽBA OPĆINSKOG VIJEĆA  
I OPĆINSKOG NAČELNIKA**  
n/r Nermina Lemezani

**PREDMET:** Objava Javnog poziva za dostavu prijedloga kandidata za dodjelu javnih priznanja općine Ilijaš, traži se,-

Poštovana,

Ovim putem, kao i putem e-mail adrese, dostavljamo Vam Javni poziv za dostavu prijedloga kandidata za dodjelu javnih priznanja općine Ilijaš, upućen od Komisije za javna priznanja i obilježavanje historijskih događaja i ličnosti, zaštitu kulturnog i prirodnog naslijeđa Općinskog vijeća Ilijaš.

Shodno naprijed navedenom, molimo Vas da Javni poziv, odmah objavite preko lokalnih sredstava javnog informisanja – Radio Ilijaša i putem općinske web stranice općine Ilijaš, obzirom da rok za dostavu prijedloga za dodjelu javnih priznanja teče od 20.12.2018. do 04.01.2019. godine.

S poštovanjem,

**Prilog:**

– kao u tekstu x2

**Dostavljeno:**

1. Naslovu i
2. a/a.



**SEKRETAR OV-a ILIJAŠ**

Ilda Kahrman, dipl.pravnik

\*\*\*\*\*



**Komisije za javna priznanja i obilježavanje historijskih događaja i ličnosti, zaštitu kulturnog i prirodnog naslijeđa**

Broj:01/1-02-SL/18  
Ilijaš, 18.12.2018.godine

Na osnovu člana 12. stav (3) Statuta općine Ilijaš – prečišćeni tekst ("Službene novine Kantona Sarajevo", br.20/09 i 46/18), člana 52. Poslovnika Općinskog vijeća Ilijaš ("Službene novine Kantona Sarajevo", br.2/10 i 18/15), te člana 14. Odluke o priznanjima općine Ilijaš ("Službene novine Kantona Sarajevo", broj 1/15), Komisija za javna priznanja i obilježavanje historijskih događaja i ličnosti, zaštitu kulturnog i prirodnog naslijeđa Općinskog vijeća Ilijaš upućuje

**JAVNI POZIV**

za dostavu prijedloga kandidata za dodjelu javnih priznanja Općine Ilijaš

Komisija za javna priznanja i obilježavanje historijskih događaja i ličnosti, zaštitu kulturnog i prirodnog naslijeđa Općinskog vijeća Ilijaš (u daljem tekstu Komisija), održala je svoju radnu sjednicu 17.12.2018. godine i razmatrala dalje programske obaveze, te u skladu sa članom 14. Odluke o priznanjima Općine Ilijaš, upućuje javni poziv za dostavu prijedloga kandidata za dodjelu javnih priznanja Općine Ilijaš.

**I**

Javna priznanja i odlikovanja Općine Ilijaš su:

- Povelja o proglašenju počasnim građaninom,
- Plaketa,
- Nagrada-priznanja i
- Pohvala.

**II**

Naprijed navedena priznanja dodjeljuju se po pravilu za Dan Općine Ilijaš, radi odavanja priznanja za postignuća i doprinos od posebnog značaja za razvoj i ugled Općine, a naročito za uspjehe u unapređivanju privrede, nauke, kulture, zaštite i unapređivanje okoline, sporta, tehničke kulture, zdravstva i drugih javnih djelatnosti, te za promociju aktivnosti koje su u tome usmjerene.

**III**

Javna priznanja mogu se dodijeliti fizičkim osobama i kolektivima sa prebivalištem, odnosno sjedištem na području općine Ilijaš.

Izuzetno javna priznanja mogu se dodijeliti pojedincima i kolektivima koji nemaju prebivalište, odnosno sjedište na području Općine Ilijaš.

#### IV

U jednoj kalendarskoj godini istoj pravnoj i fizičkoj osobi može se dodijeliti samo jedno javno priznanje.

#### V

Počasnom građaninu ne dodjeljuju se druga javna priznanja Općine Ilijaš.

Počanim građaninom Općine Ilijaš može se proglasiti građanin Bosne i Hercegovine ili druge države, koji je svojim radom, naučnim ili političkim djelovanjem, značajno doprinio napretku i ugledu Općine Ilijaš, ostvarivanju i razvoju demokratije u Bosni i Hercegovini, mira u svijetu i napretku čovječanstva.

Proglašenje počasnim građaninom znak je počasti i ne daje nikakva posebna prava.

Počasnom građaninu dodjeljuje se posebna povelja o proglašenju počanim građaninom Općine Ilijaš.

Počast se može opozvati ako se počastvovani pokaže nedostojnim za takve počasti.

#### VI

Plaketa Općine Ilijaš je javno priznanje koje se može dodijeliti fizičkim ili pravnim osobama za iznimna postignuća i doprinos unapređenju i razvoju Općine Ilijaš u protekloj kalendarskoj godini ili proteklim kalendarskim godinama.

#### VII

Nagrada-priznanje Općine Ilijaš je javno priznanje koje se može dodijeliti fizičkim i pravnim osobama za svoj dugogodišnji rad na području Općine Ilijaš ili za realizaciju projekata značajnih za razvoj općine.

#### VIII

Pohvala Općine Ilijaš je javno priznanje koje se dodjeljuje fizičkim i pravnim osobama za donacije i slične aktivnosti, za uspješnu saradnju, te za doprinos u razvoju i promociji ugleda Općine Ilijaš.

#### IX

Općinska priznanja mogu se dodjeljivati i posthumno u slučaju da smrt nastupi u godini za koju se dodjeljuje ili u toku dodjele priznanja.

Priznanje će se uručivati članovima njegove/njene porodice, odnosno zakonskim nasljednicima.

#### X

Prijedlog za dodjelu javnih priznanja Općine Ilijaš mogu dati:

- pravna lica sa sjedištem na području Općine Ilijaš (privredna društva, političke stranke, mjesne zajednice, udruženja građana, ustanove i drugi organi i organizacije),
- građani sa prebivalištem na području Općine Ilijaš

Prijedlog se podnosi Komisiji u pisanom obliku.

#### XI

Prijedlog za dodjelu javnih priznanja Općine Ilijaš mora da sadrži:

- podatke o podnosiocu prijedloga,
- obrazloženje postignuća i doprinosa zbog kojih se daje prijedlog za kandidata za dodjelu javnih priznanja Općine Ilijaš uz odgovarajuću dokumentaciju,
- biografiju za fizičke osobe i podatke za pravnu osobu i
- vrstu javnog priznanja za koju se osoba predlaže.

#### XII

Na zahtjev Komisije podnositelj prijedloga dužan je dostaviti dodatne podatke i dokumentaciju.

Komisija može, uz saglasnost podnosioca prijedloga, promjeniti vrstu javnog priznanja za koju se kandidat predlaže, te općinskom načelniku dati prijedlog za dodjelu pohvale Općine Ilijaš.

### XIII

Komisija razmatra prijedloge za dodjelu javnih priznanja Općine Ilijaš dostavljene u roku, te izrađuje pisani izvještaj o svom radu i mišljenje sa obrazloženjem o pojedinačnim prijedlozima u skladu sa kriterijima i dostavlja ga Općinskom vijeću Ilijaš na usvajanje.

### XIV

Općinsko vijeće Ilijaš, na temelju izvještaja Komisije, donosi Odluku o dodjeli priznanja Općine Ilijaš.

### XV

Na temelju Odluke o dodjeli javnih priznanja Općine Ilijaš, predsjedavajući Općinskog vijeća Ilijaš na svečanoj sjednici povodom Dana općine uručuje javna priznanja Općine Ilijaš za prethodnu kalendarsku godinu.

Izuzetno javna priznanja Općine Ilijaš može uručiti i općinski načelnik na svečanom prijemu povodom Dana općine.

### XVI

Rok za dostavu prijedloga za dodjelu javnih priznanja je od 20.12.2018. do 04.01.2019. godine.

### XVII

Javni poziv za dostavu prijedloga kandidata za dodjelu javnih priznanja Općine Ilijaš, bit će objavljen preko lokalnih sredstava javnog informisanja-Radio Ilijaš i općinske web stranice Općine Ilijaš.

### XVIII

Prijedlozi se mogu dostaviti poštom na adresu: Općina Ilijaš, ul.126.Ilijaške brigade br.6 ili putem pisarnice Općine Ilijaš, sa naznakom: "Komisija za javna priznanja i obilježavanje historijskih događaja i ličnosti, zaštitu kulturnog i prirodnog naslijeđa" Općinskog vijeća Ilijaš.

Nepotpuni i ne blagovremeni prijedlozi neće se razmatrati.

Predsjednik Komisije,

*Seherzada Čosić*

Seherzada Čosić

SEKRETAR OV-a ILIJAŠ

*Ilda Kahrman*

Ilda Kahrman, dipl.pravnik

